



西海岸二帖

高美濕地

1. 大甲溪

遠遠的大甲溪
手伸長長
無暝無日咧試臺灣海峽的
鹹 tsiánn^ㄊ

2. 水鴨

兩三隻水鴨
對半藍的天低低寫過去
留一兩滴叫聲
予鏡頭留戀

3. 高美燈塔

中年失業的高美燈塔
用算電火柱仔的心情
咧共規下晡的人來客去
點油做記號

^ㄊ tsiánn：汙

4. 雲莞草

規排的雲霖莞草
是一壟一壟青翠的海湧
順風的節奏
陪紅管仙^①咧弄囡仔的目睷

5. 風車

黃昏的日頭
予規排的風車
絞出烏 tōo 紅的墨汁
咧改這張風景

6. 西片彼粒星

西片的彼粒星
拚勢咧安搭夜蟲水鴨的叫聲
雄雄，一罐保力達的玻璃斫仔
閃出一道星光

東石短句

1. 蚵仔架

將認分種佇海裡
生出千千萬萬的向望
一隻海鳥歇佇架仔頂
咧算風透的日子

2. 外傘頂洲

啥物時陣才揣會著故鄉
成做一塊安定的國土

東北季風 tshuā^{ㄊㄨㄚˊ} 一陣沙仔
去西南另流浪

3. 漁人碼頭

共臭臊褪掉
改頭換面

討海人的汗
煞揣無生炭的香火

4. 東石大橋

阿伯仔佇橋跤咧釣伊的青春
退色的天真予歲月沖去出海口

有人建議伊坐竹排仔去外海
用網仔拋

5. 鰲鼓濕地

四五隻水鴨佇水面咧 tshíng^{ㄊㄩㄥˊ} 夕陽
一下仔囿，tshíng 甲賭兩三粒寒星

只聽著一聲啊
——水鴨的天堂

作者註：

① 紅管仙：招潮蟹的俗稱，有人講「紅跤仙」。

ㄊㄨㄚˊ tshuā：焯

ㄊㄩㄥˊ tshíng：吮

作者感言

為著欲證明愛臺灣毋是一種口號，這一兩冬來，我臺灣行透透，每一個鄉，每一個鎮攏予我真感動。堅實的聲音，純樸的力量，佇咱上敬疼的這片土地生爌，我想用臺灣的筆寫咱的故鄉，這是天公地道的代誌，朋友--啊！毋通閣躊躇--囉！

林文平
高雄縣中山工商 教師

